



DET KONGELEGE
KOMMUNAL- OG REGIONALDEPARTEMENT

KOPI

Volda kommune
Stormyra 2

6100 VOLDA

Dykkar ref

Vår ref
11/1315-27 KRT

Dato
25 OKT 2011

**Statsbudsjettet 2011 - Kap. 552, post 72 Nasjonale tiltak for regional utvikling
- Tilsegn om tilskot på inntil 200 000 kroner til Volda kommune, StudiebygdA
- studiestaden Volda som nav for kompetanse, rekruttering og samhand -
Bulyst 2011**

Tilsegningsnummer: 11203028

Vi viser til:

- Utlysning av bulystmidlar på www.regjeringen.no/bulyst
- Søknad frå Volda kommune, sendt frå Møre og Romsdal fylkeskommune 16. mai 2011

Kommunal- og regionaldepartementet (KRD) gir med dette tilskot på inntil 200 000 kroner til eit forprosjekt i Volda kommune i 2011. Departementet meiner at prosjektet StudiebygdA er spanande, men at det er trong for ei avgrensing av det vidare arbeidet. Eit prosjekt av denne storleiken treng ei nøye vurdering og vel gjennomarbeida prosjektplan før igangsetjing. For å arbeide mot hovudmålet i prosjektet som er å styrke Volda og regionen som bu- og arbeidsmarknadsregion, meiner departementet det er viktig at Volda kommune involverer nabokommunar i prosjektarbeidet. Årets tildeling er gjeven for at prosjekteigaren kan arbeide vidare med å spisse strategiane frå søknaden, for ev. å søke om ytterlegare støtte gjennom bulyst i 2012.

Departementet ser fylkeskommunen som ein heilt sentral nettverksbygger og regional tilretteleggjar for lokale prosjekt. I tillegg har Kompetansesenteret for distriktsutvikling (Distriktssenteret) ei sentral rolle i arbeidet med bulyst, både når det gjeld kunnskapsbygging og formidling. Prosjektansvarleg bør bruke www.distriktssenteret.no. Det er ein viktig portal for å finne erfarings- og

forskingsbasert kunnskap frå andre satsingar og prosjekt. Vi meiner Volda kommune bør involvere både fylkeskommunen og Distriktssenteret i forprosjektet.

Målet med bulystsatsinga

Målet med satsinga på bulyst er å vidareutvikle kunnskap om korleis lokale og regionale utviklingsprosjekt skapar bulyst og attraktive stader. Dei 44 prosjekta som er valde har ulik innretting, ulike tema og stor geografisk spreining. Dette viser breidda og variasjonen knytt til omgrepet bulyst. Vi er opptekne av at bulystsatsinga skapar læring, merksemd og engasjement rundt lokalt og regionalt utviklingsarbeid.

Vi gjer dykk spesielt merksame på at Norsk senter for bygdeforskning har utarbeidd ein rettleiar i lokal samfunnsutvikling. Rettleiaren er utarbeidd som ein del av følgjeevalueringa av den nasjonale småsamfunnssatsinga, som blei gjennomført av KRD i perioden 2006-2009. Rettleiaren kan lastast ned via følgjande lenkje, <http://www.regjeringen.no/upload/KRD/LUK/Fagstoff/Veilederilokalsamfunnsutvikling.pdf>. Vi håper at rettleiaren kan kome til nytte i dykkar vidare arbeid, og papirutgåva er difor òg lagt ved dette brevet.

Mål for prosjektet

Hovudmålet med prosjektet er å styrke Volda og regionen som attraktiv bu- og arbeidsmarknadsregion, og å styrke Volda som regional og nasjonal studiestad og kompetansesenter. Kor attraktiv Volda er som studiestad er mellom anna avhengig av kor attraktivt området er som bu- og arbeidsmarknadsregion og omvendt. For å oppnå måla, er det formulert tre strategiar:

- A. Tilrettelegging for, og integrering av, tilflyttarar til Volda gjennom Studiebygda.
- B. Strategisk og systematisk omdømmearbeid
- C. Støtte opp under oppretting av kulturarbeidsplassar

I det vidare arbeidet med prosjektutviklinga bør strategiane og tiltaka gjerast meir konkrete og tydelege. I tillegg bør Volda kommune involvere viktige samarbeidspartnarar som nabokommunar, fylkeskommunen og Distriktssenteret i forprosjektet.

Kostnadsoverslag

Det er sendt inn ein søknad med eit totalbudsjett på 10 200 000 kroner over tre år. KRD gjev tilskot til eit forprosjekt på inntil 200 000 kroner over kap. 552, post 72 i 2011.

Vi gjer merksam på at midlar over kap 552.72 ikkje kan nyttast til investeringar i bygningar eller anna fysisk infrastruktur. Tilskotet skal som hovudregel ikkje nyttast til investeringar i utstyr. Unntaket er mindre investeringar som er avgjerande for gjennomføringa av aktiviteten. Tilskot til utstyr skal normalt ikkje overstige 10 pst. av

prosjektkostnadane. Sjå retningsliner for posten på www.regjeringen.no/krd/retningslinjer.

Vilkår for utbetaling av midlar:

1. Volda kommune må innan 20. november 2011 stadfeste overfor departementet at det er aktuelt å gjennomføre forprosjektet, og at tilskottet vert motteke på vilkåra i dette brevet. Tilbakemeldinga til departementet må òg innehalde opplysningar om kva kontonummer pengane skal overførast til.
2. Det skal først spesifisert rekneskap for arbeidet. Rekneskapen skal settast opp slik at utgiftene kan samanliknast med budsjettet for forprosjektet. Dersom arbeidet ikkje blir utført i omfanget de har skildra i søknaden, eller til dei kostnader de har gitt opp i søknaden, vil departementet redusere tilskotet tilsvarende. Tilskotsmidlar som departementet har utbetalt kan òg bli kravd tilbakebetalt, heilt eller delvis. Rekneskapsmaterialet skal oppbevarast i 10 år.
3. Riksrevisjonen, Kommunal- og regionaldepartementet eller dei departementet gir mynde, kan krevje informasjon frå tilskottsmottakar og sette i verk kontroll med at midlane vert nytta etter føresetnadene. Dette er i samsvar med Løyvingsreglementets § 10 og Lov om Riksrevisjonen § 12. Tilskottsmottakarar har plikt til å gje opp dei opplysningane som Riksrevisjonen, departementet eller andre som departementet har delegert kontrollmynde til, forlangar.

Utbetaling

For å få midlar må prosjekteigar be KRD om å gjere ei utbetaling (utbetalingsoppmoding).

Utbetalinga blir som hovudregel gjort i tre omgangar.

1. Departementet *kan* utbetale inntil 25 pst. av tilskottet når prosjekteigar har akseptert vilkåra i dette brevet, og arbeidet har starta opp (førehandsutbetaling).
2. Når departementet har motteke dokumentasjon av faktiske utgifter, vert inntil 50 pst. av det samla tilskottet utbetalt (ettterskottsutbetaling). Dokumentasjon av utgifter bør følgje den årlege rapporteringa.
3. Den siste delen av tilskotet skal utbetalast når prosjektaktiviteten er fullført, og sluttrapport og eventuell revisorstadfesta rekneskap (sjå punkt 5) er sendt inn (ettterskottsutbetaling).
4. Alle prosjekt skal levere sluttrapport og prosjektrekneskap.
5. I tillegg skal revisorstadfestande rekneskap leverast av:
 - a) Private tilskottsmottakarar som tek imot meir enn 100 000 kroner, jf. RS 800 Revisors uttale ved revisjonsoppdrag med spesielle føremål.
 - b) Offentlege tilskottsmottakarar som tek imot meir enn 400 000 kroner, jf. RS 800 Revisor sine uttaler ved revisjonsoppdrag med spesielle føremål.
6. Tilskotet er gyldig i tilsagnsåret, og dei to påfylgjande åra. Prosjektet må vere avslutta slik at siste utbetaling frå departementet kan gjerast seinast innan

utgangen av 2013. Utbetalingsoppmodning må sendast til departementet innan 1. desember 2013.

7. Prosjekteigar har ansvar på vegne av prosjektdeltakarane. Dette gjeld òg det finansielle ansvaret.


Ved kontakt med departementet om utbetaling må tilsegnnummeret som står øvst i dette brevet nyttast. Ved utbetaling av midlar er dette nummeret gitt på utbetalingsblanketten.


Kommunal- og regionaldepartementet ber om at følgjande opplysningar blir sende til postmottak@okrd.dep.no:

- Stadfesting på at forprosjektet vert gjennomført
- Behov for eventuell førehandsutbetaling
- Kontonummer og oppmodingar om utbetalingar (sjå under "Utbetaling")
- Ved prosjektslutt: Sluttrapport og rekneskap i tråd med retningslinene over.

Kommunal- og regionaldepartementet ønskjer dykk lykke til med prosjektet.

Med helsing


Gerd Slinning e.f.
avdelingsdirektør


Kari R. Theting
rådgjevar

Vedlegg:

Rettleiar i lokal samfunnsutvikling

Kopi til:

Distriktssenteret - Kompetansesenter for distriktsutvikling
Møre og Romsdal fylkeskommune
Plan- og administrasjonsavdelingen
Riksrevisjonen